

PRINZIPIU

Cando s'istrizile passu
 lèpiu, in bisiones de pizzinnia
 mi juchiat
 a sos chiricheddos
 disocrabo, chin atteras mentes
 s'urtimu muru 'e nues; zertesas
 tra pentumas, m'accumpanzaban a s'addobiu
 e manos, ocros, in pèrpere madricaban
 connoschenzias, d'atteros mundos
 pessaos, a sa bida galanos.
 Cando, istresiaos
 pacos sinnos
 an appertu s'animu, a s'eternu cassiare
 appo secau sa preda 'e su coro
 chircande percas
 d'irfamiados bintos
 pro acattare sas perdias mamas...
 de matessi omines.
 Curriat s'abba in sos ribos
 e su noddulosu ozastru
 assentau isparghiat, galu
 sos brattos a su sole
 ammisturande s'ombra sua
 pro cunsultos de babbauzzos.
 A fundu de sa tanca
 su mundu fit iscurtzu
 dae cusinzos de pedde
 irmenticaos ube
 non b'at a essere prus torradorju.
 Ma... appo bidu, in palas de unu muru
 istresiaos, pacu prus innantis
 tempos nobos chi nos isettan...
 cando s'an aperrere, madurande
 sas ispicas de tridicu, incanias d'isettu
 in sos fundaches, nobos
 de una, manna, Europa!

PRINCIPIO

*Quando il cammino incerto / fragile, d'adolescenti sogni / mi conduceva / ai
 crocicchi / scrutavo con altre menti / l'orizzonte; sicuri / canali, guidavano
 l'approdo / e mani, occhi, percepivano / contatti, d'altri mondi / immaginati, alla
 vita suadenti. / Quando, solitaria / un'epigrafe / schiude al mio scibile / il senso
 dell'infinito errare / spaccai il masso del cuore, / cercando i passaggi / di infami
 vinti, per ritrovare / le perdute madri... / di uguali uomini. / L'acqua dei torrenti
 correva / e la nodosa camelèa / bolsamente spingeva / i suoi rami al sole /
 coonestando la sua ombra / per consulti d'insetti. / Al di là del campo / il mondo
 era scalzo, da plantari di scorza / dimenticati dove, non ci sarà / più ritorno. /
 Ma... ho visto, oltre il muro / dietro, più in là / tempi nuovi in attesa... / quando
 si apriranno, maturando / le spighe di grano, ormai bianche di sogni / nelle
 profondità, nuove / di una grande Europa!*